



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

Në mbështetje të neneve 11, 12 par.12.2 shkronja c), 16 dhe 17 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 e datës 4 qershor 2008, neneve 8, 12 deri në 16 të Ligjit për Financat e Pushtetit Lokal Nr.03/L-049, Gazeta zyrtare e Republikës së Kosovës nr. 27 e datës 03.06.2008 si dhe neneve 9 dhe 20 të Statutit të Komunës së Lipjanit 1Nr.110-623 të datës 26.09.2008, Kuvendi i Komunës së Lipjanit në mbledhjen e mbajtur me 29. 09. 2020, pas shqyrtimit të propozim Vendimit të Kryetarit të Komunës miratoi këtë:

RREGULLORE
PËR NDRYSHIMIN DHE PLOTËSIMIN E RREGULLORES PËR TAKSAT
KOMUNALE 15Nr.434-79235 TË DATËS 20.12.2019

Neni 1
Qëllimi

1.Qëllimi i miratimit të kësaj Rregulloreje është ndryshimi dhe plotësimi i disa dispozitave të Rregullores për taksat komunale 15Nr.434-79235 të datës 20.12.2019 .

Neni 2
Plotësimi dhe Ndryshimi i dispozitave të Rregullores

1.Me këtë Rregullore te neni 9 shtohet paragraf i ri pas paragrafit 4 (paragrafi 5), riformulohet neni 15 i Rregullores dhe shtohen 4 (katër) nene të reja të cilat do të renditen pas nenit 15 me numrat 16,17,18,19 dhe riformulohen si në vijim :

Neni 9 – Taksa për vendosjen e objekteve lëvizëse në sipërfaqet publike

5. Nga pagesa e kësaj takse lirohen grupet e nxënësve , studentëve OJQ-të e ndryshme dhe të ngjashme për ditë të caktuara për zhvillimin e ndonjë aktiviteti të karakterit edukativ, human, shëndetësor dhe aktivitetete tjera të ngjashme.

Neni 15 -Taksa për përçojat e vendosura në pronën komunale

1. Këtë taksë janë të obliguar ta paguajnë subjektet e biznesit të cilët krijojnë të hyra nga ushtrimi i veprimtarisë dhe kanë vendosur përçojat e rrjetit kabllor, internet dhe telefonik në pajtim me lejen përkatëse për vendosjen e tyre të lëshuar nga Drejtorati për Planifikim,Urbanizëm dhe Mbrojtje të Mjedisit .

2. Taksa për vendosjen e përçojave të cekura në paragrafin 1 të këtij neni do të jetë 0.10 € për metër gjatësi. Ngarkesa paguhet në bazë vjetore në bazë të faturave të lëshuara nga Drejtoratit për Shërbime Publike.

3. Subjektet e cekura në paragrafin 1 të këtij neni do të dënohen me gjobë në rast të moskryerjes së pagesës së taksës të cekur në paragrafin 2 të këtij neni pas pranimit të faturës. Gjoka ose sanksioni kundërvajtës do të shqiptohet deri në dyfishin e vlerës së taksës nëse kjo vlerë e gjobës nuk tejkalon limitet e përcaktuara me dispozitat e nenit 29 paragrafi 4 dhe 5 i Ligjit nr.05/L-087 për Kundërvajtje.

4.Për vendosjen e përçojave (kablllove) të energjisë elektrike, shërbimeve të ujësjellesit , kanalizimit dhe të ngjashme do të paguhet taksë vetëm me rastin e marjes së lejes për vendosje ose shtrirje nga Drejtorati për Planifikim,Urbanizëm dhe Mbrojtje të Mjedisit.

Neni 16 - Taksa për dhënien e pëlqimit për kyqje në rrugë publike

1.Këtë taksë e aplikon Drejtorati për Shërbime Publike me rastin e parashtrimit të kërkesave nga palët .

2.Lartësia e obligimit të pagesës përcaktohet si vijon:

Nr.	Emërtimi	Shuma në euro
1.	Personat fizik – banim individual	30 €
2.	Personat juridik-biznese	100 €

Neni 17- Taksa për dhënien e pëlqimit për ndërprerje të përkohëshme të qarkullimit në rrugën publike

1. Këtë taksë e aplikon Drejtorati për Shërbime Publike me rastin e parashtrimit të kërkesave nga personat fizik ose juridik, si vijon:

Nr.	Emërtimi	Shuma në euro (llogaritur me orë)
1.	Njëri shirit i rrugës	10 € ora
2.	Të dy shiritat e rrugës	20 € ora

2.Me rastin e dhënies së pëlqimit , Drejtorati për Shërbime Publike obligohet ta njoftojë Policinë dhe Inspektoratin Komunal për orën dhe vendin e saktë ku do të bllokohet ose ndërpritet përkohësisht qarkullimi në rrugë publike .

Neni 18 – Taksa për dhënien e pëlqimit për shpim, prerje të rrugës publike dhe trotuarit me asfalt dhe kubëza

1.Kjo taksë aplikohet nga Drejtorati për Shërbime publike me rastin e dhënies së pëlqimit për shpim, prerje të rrugës publike dhe asfaltit me rastin e riparimit të ujësjellësit, kanalizimit, rrjetit elektrik, telefonik e të ngjashme.

1.1. Lartësia e obligimit të pagesës për shpim të rrugës ose trotuarit, përcaktohet si vijon:

Nr.	Emërtimi	Shuma në euro
-----	----------	---------------

1.	Personat fizik	50 €
2.	Personat juridik	100 €

1.2. Lartësia e obligimit të pagesës për prerje tërthore të rrugës , përcaktohet si vijon:

Nr.	Emërtimi	Shuma në euro
1.	Personat fizik	30 € / m gjatësi
2.	Personat juridik	50 € / m gjatësi

1.3. Lartësia e obligimit të pagesës për prerje tërthore të trotuarit , përcaktohet si vijon:

Nr.	Emërtimi	Shuma në euro
1.	Personat fizik	10 € / m gjatësi
2.	Personat juridik	15 € / m gjatësi

1.4. Lartësia e obligimit të pagesës për prerje gjatësore të rrugës dhe trotuarit , përcaktohet si vijon:

Nr.	Emërtimi	Shuma në euro
1.	Personat fizik	2.5 € / m gjatësi
2.	Personat juridik	10 € / m gjatësi

Neni 19 – Taksa për shfrytëzim të trotuarit për shkarkim të mallrave dhe gjësendeve tjera

1.Kjo taksë aplikohet nga Drejtorati për Shërbime publike me rastin e dhënies së pëlqimit për shfrytëzimin e trotuarit për shkarkimin e mallrave dhe gjësendeve tjera.

2.Lejohet shfrytëzimi i trotuarit për shkarkimin e mallrave dhe gjësendeve tjera në maximum prej një ore. Pas kalimit të orës së caktuar duhet të lirohet trotuari duke e larguar mallin ose materialin nga trotuari.

3.Lartësia e taksës paguhet në vlerë prej 20 €

2. Pas riformulimit të neneve siq ceket në paragrafin 1 të këtij neni ndryshojnë edhe numrat e neneve në kapitullin e III të Rregullores te detyrat dhe përgjegjësitë ashtu që ashtu që neni 16 bëhet 20, neni 17 bëhet 21, neni 18 bëhet 22 dhe neni 19 bëhet 23.

Neni 3 Hyrja në fuqi

1. Kjo Rregullore hyn në fuqi 7 ditë pas publikimit të Ueb faqen e Komunës.

15 Nr. 434-47368
Lipjan, më 30. 09. 2020

KUVENDI I KOMUNËS LIPJAN

